

CONVOCATORIA DE CURSOS DA INTERNATIONAL SUMMER SCHOOL NO ESTRANXEIRO

1. OBXECTIVOS

A Universidade da Coruña organiza cada ano a International Summer School coa finalidade de mellorar a dimensión internacional da Universidade e a súa proxección e prestixio no estranxeiro. Para completar a estrutura académica da ISS, a Universidade efectúa mediante esta acción unha convocatoria de propostas para cursos da ISS no estranxeiro, organizados por persoal da UDC. Estes cursos deben ter as mesmas características que os que integran a oferta académica interna da escola de verán.

2. CARACTERÍSTICAS DOS CURSOS E DOS DOCENTES

- Os cursos obxecto das propostas deberán ter as seguintes características:
 - Unha duración mínima de tres semanas, 42 horas de docencia, e unha carga de traballo de 6 créditos ECTS.
 - Un nivel académico e unhas probas de avaliación final equivalentes aos das materias que compoñen os plans de estudos das titulacións oficiais da UDC.
 - Os cursos serán impartidos completamente en inglés.
- Os docentes dos cursos deberán ser doutores ou expertos de recoñecido prestixio nos temas dos cursos, activos en investigación, consultaría ou administración.
- Os cursos contarán cun coordinador ou coordinadora, que pertencerá ao cadro de persoal docente laboral ou funcionario que percibe as súas retribucións con cargo ao capítulo I dos orzamentos da UDC.
- Os cursos contarán cun mínimo de 10 estudantes.

3. FINANCIAMENTO E XESTIÓN DOS CURSOS

- Os cursos da ISS no estranxeiro financiaranse mediante os prezos de matrícula, segundo as táboas fixadas pola ISS na súa páxina web: <http://www.iss.udc.es>.
- A ISS xestionará as inscricións e o cobramento dos prezos de matrícula.
- A ISS cederalles ás persoas que coordinen o curso a xestión directa do 80% dos ingresos de matrícula. O 20% restante aplicarase para sufragar os gastos de xestión por parte da ISS.
- Este importe será transferido á partida orzamentaria que o/a coordinador/a designe na UDC.
- O coordinador ou coordinadora do curso poderá gastar o importe transferido en calquera dos seguintes gastos elixibles:

- a. Gastos de transporte, aloxamento, manutención e honorarios dos docentes.
 - b. Gastos de transporte, aloxamento, manutención e bolsas de estudantes.
 - c. Gastos de material e de alugamento de aulas.
6. A cesión dos fondos obtidos polos ingresos de matrícula regulados nas alíneas anteriores será compatible con calquera outra fonte de financiamento. Sinaladamente serán compatibles coas bolsas de mobilidade docente Erasmus+ (STA) e coas bolsas previstas na convocatoria de internacionalización da UDC.

4. PRESENTACIÓN E CONTIDO DAS PROPOSTAS

1. As propostas serán presentadas polo/a coordinador/a do curso.
2. As propostas estarán elaboradas integramente en inglés e conterán:
 - a. Unha ficha descritiva do curso proposto, a cal incluirá:
 - i. O título do curso
 - ii. Unha breve descrición deste (máximo 200 palabras)
 - iii. Unha lista de temas
 - iv. Unha lista orientadora de referencias bibliográficas
 - b. Un breve resumo do periplo académico do/a coordinador/a que inclúa:
 - i. Os seus títulos académicos e institucións que os expiden.
 - ii. A súa afiliación á UDC e categoría actual.
 - iii. Unha lista das súas publicacións e citas (basta unha ligazón ao perfil de Google Scholar ou ORCID da persoa solicitante).
 - iv. Un breve currículo en formato narrativo (máximo 200 palabras).
 - c. Un breve informe explicando as circunstancias que avalan a viabilidade de que o curso acade o número mínimo de dez estudantes.
3. As propostas enviaranse en liña mediante o formulario de proposta de cursos que se publicará na páxina web da ISS (www.iss.udc.es).
4. Está convocatoria permanecerá aberta de xeito indefinido.

5. COMISIÓN DE SELECCIÓN

A selección dos cursos corresponderá a unha comisión composta polas seguintes persoas:

- a. Pilar García de la Torre, vicerreitora de Internacionalización y Cooperación.

- b. Begoña Crespo García, directora da Oficina de Relacións Internacionais.
- c. Margarita Amor López, vicerreitora de Estudantes, Participación e Extensión Universitaria.

6. PROCESO DE SELECCIÓN

1. O proceso de selección limitarase a verificar a adecuación da proposta do curso e das persoas propoñentes aos requisitos fixados no punto 2 desta convocatoria.
2. Este proceso realizarase en dúas fases:
 - a. Nunha primeira fase realizarase a verificación do cumprimento dos requisitos recollidos nos puntos 2.1 a 2.3 desta convocatoria, así como unha verificación preliminar das posibilidades de cumprimento do requisito mínimo de inscrición recollido no punto 2.4 desta, con base nos datos contidos na proposta en liña e nos informes de avaliación externa que a comisión poida solicitar. Os cursos que superen esta fase serán preseleccionados e incluídos na oferta da paxina web da ISS e abrirase o proceso de inscrición. Esta decisión adoptarase no prazo dun mes desde a recepción da proposta.
 - b. Nunha segunda fase, a comisión decidirá sobre a confirmación ou cancelación definitiva do curso con base nos datos de inscrición efectiva ata o momento e as previsións de que se chegue a cumprir o requisito mínimo de inscrición recollido no punto 2.4 desta convocatoria. Esta decisión adoptarase cunha antelación mínima dun mes á data de comezo do curso proposto.
3. A decisión de rexeitamento dun curso estará motivada.

7. MEMORIA FINAL

Á finalización do curso o/a coordinador/a dará conta do realizado cunha memoria final en que reflectirá o cumprimento das condicións académicas e financeiras dos cursos.

A Coruña, 9 de marzo de 2017

A vicerreitora de Internacionalización e Cooperación

Pilar García de la Torre

ANEXO

INFORME FINAL DO/A COORDINADOR/A DO CURSO

Nome do coordinador ou coordinadora do curso:

Centro / Unidade de Traballo:

Curso:

Nome(s), de ser o caso, do persoal da UDC que recibiu as axudas complementarias para desprazamentos docentes, indicando as súas datas da estadia:

-

-

BREVE RELACIÓN DO DESENVOLVEMENTO E REPERCUSIÓN DO CURSO NA UDC E NO LUGAR DE DESTINO (acompañarase o programa definitivo do curso):

BREVE MEMORIA ECONÓMICA DO CURSO (acompañarase a copia da folla de gastos da aplicación orzamentaria correspondente):

Data:

Sinatura:

LUGAR DE PRESENTACIÓN

COORDINACIÓN DA ISS. OFICINA DE RELACIÓNS INTERNACIONAIS